


DEN AMBIENTE



Poets

SUPRIANO V/D LINDE MAS CU 45 AÑA DEN FARANDULA Cu su 59 aña keto bay activo!!

DEN AMBIENTE tabata tin e honor di a entrevista Supriano V/D Linde, un di nos legendario Musico y virtuoso compositor di mariachi. Supriano V/D Linde director musical di e popularisimo "Mariachi Perla di Aruba" cu su edad di 59 aña keto bay ta activo tocando su guitar y vihuela.

Na edad di 10 aña Supriano a cuminsa toca cuarta, den paranda di pasco y aña nobo compañando su Tata (q.e.p.d) y su omo (q.e.p.d) den paranda di difunto Jendi Koolman. Cu su 17 aña e la siña toca guitar y na edad di 18 aña e la debuta den Trio Savaneta hunto cu su omo Betrand Ras (q.e.p.d) y su primo Concepcion Ras.

Nan manager tabata Geronimo Winterdaal y Jose V/D Linde tabata nan compositor. Hunto cu Trio Savaneta e la yega di graba masha hopi disconan 78 RPM. Mayoria tabata composicionnan di Jose V/D Linde y tambe di Supriano.

Su prome cancionnan cu e la yega di compone tabata "AMOR VERDADERO" (ranchera) y "BO AMANTE" (merengue) den studio di Padu Lampe y Rufo Wever (q.e.p.d). Na aña 1954 Betrand Ras componente di Trio Savaneta a fayecé tragicamente, y a worde reemplaza pa su ruman Lucas V/D Linde.

E tempo ey nan a graba un 78 rpm cual nan a dedica un cancion pa e defunto "ADIOS NOS AMIGO" y na e otro lado "PRISIONERO". Ambos cancion a ser compone pa Supriano. Tambe den e mesun aña ey nan a graba un cancion "SERENATA MORENA" tambe compone pa su persona.

Na fin di 1955 Trio Savaneta a yega na su fin, y hunto cu su Tata defunto y su ruman Lucas nan a bay forma parti pa Flor De Mayo. Hunto cu Flor De Mayo nan a graba un cancion ritmo

huarpango "TU RECUERDOS" compone pa su persona. Na aña 1956 su tata a organiza mariachi "PERLA DI ARUBA" cual mariachi ainda e ta cosechando exito nan tras di exito. Na prome grabacion 78 rpm tabata dos cancion "15 DI OCTOBER" y "GALLO PINTO" ambos compone pa Supriano, y canta pa Betrand Henriquez.

Na aña 1960 Supriano a worde contrata pa bay reforza y estabilisa "Mariachi Aruba" pa dos aña. Na aña 1962 e la bay forma parti pa su mes un mariachi back cu ta mariachi "Perla di Aruba". Na fin di 1962 nan a graba dos cancion "UN MALAMOR" y "POBRE VAQUERO" tambe ambos ta compone pa Supriano y canta pa Betrand Henriquez.

Na aña 1964 Perla di Aruba a compaña e gran cantante internacional di Mexico, Tito Quizar y su yiu muher Lilia den e popular programa di Padu Del Caribe na Tele Aruba. Porcierto cu den e tempo nan ey e programa aki di Padu tabata practicamente full rond di Aruba sintoniza. Na aña 1968 Perla di Aruba a graba un cancion "ASI ES MI CANTO" canta pa Marcelo Kock y compone pa Supriano.

Na aña 1970 Rosimbo V/D Biezum (q.e.p.d), componente di Perla di Aruba a fayecé tragicamente, y nan a graba un cancion como homenahe na su persona "HOMEJENA ROSIMBO" compone pa Supriano y canta pa Hilario Kock. Na aña 1971 nan a graba un otro composicion di Supriano "MI KIER TA HUNTO CU BO" canta pa Hilario kock.

Na varios ocasion hunto cu Perla di Aruba Supriano a representa Aruba dignamente den exterior, na Mexico tres biaha, na dos ocasion Hulanda prome biaha pa un luna, y di dos biaha pa tres



luna. E la presenta cu su mariachi asina tanto na Curacao y Bonaire cu ta imposibel pa recorda tur e biahnan ey.

Na Aruba mes nan a toca punta punta pa fiestanan familiar y tambe na tur e hotelnan. Na aña 1980 Supriano a compone y graba e cancion "PABIEN NA ES PAREHA", cu a resulta un exito rotundo y te ainda ta hopi solista durante bodanan matrimonial, y tambe ta ser toca pa e otro gruponan.

E virtuoso y legendario musico aki a compone asina tanto cancionnan di mariachi cu "Perla di Aruba" a dicidi di graba 10 di nan riba un solo L.P na papiamento. Nan ta; Huerfanito, Muher Traidora, Adios mi Trigueña, Mi Pasado, Dia 15 di October, Na Ora di Marduga, Mi orgullo Arubano, Ana Queta, E Musica di Mariachi y Amor Verdadero.

Supriano a drenta den bida matrimonial na aña 1954 cu Rosa Maria Geerman, y a worde bendiciona cu cuatro jiu homber y dos jiu muher. Tur su cuatro jiu hombernan Miguel, Carlos, Romualdo y

Inocencio ta formando parti hunto cu Supriano pa añanan caba den Mariachi Perla di Aruba.

E conocido cantante di mariachi, Jolanda V/D Linde jiu muher di Supriano cu actualmente ta residencia na Hulanda, ta hopi popular na madre patria formando parti di e mariachi Hulandes "Serenata Mejicana". DEN AMBIENTE mirando tur e logro grandinan aki di un di nos gran exponente musico Arubano, a keda sorprendi ora cu a haci e pregunta, cuanto "GALARDON O PLAQUETTE" nan a ricibi durante nan carera musical?

Cu un sonrisa grandi e la contesta cu e pregunta aki ta un pregunta campeon, ta tristo pa bisa pero berdad mester worde publica. Den nan carera musical pa mas cu 45 aña nan a ricibi solamente UN GALARDON na aña 1981. Esaki tabata dia cu nan a cumpli 25 aña di existencia, y ta gracias na Tico Kuiperi cu nan a ricibi e galardón aki.

Na Bonaire tambe nan a ricibi un reconocimiento na aña 1981, como huesped di

honor. Segun Supriano cu nunca nan no a worde premia den e premio anual di Mo Tito. Segun cu e la worde informa cu musica di mariachi no ta di Aruba. Pero e ta puntra cu si tur esnan cu tur aña ta worde premia, ta nan tur ta toca musica di Aruba?


DEN AMBIENTE tambe ta comparti e opinion aki cu Supriano, pasobra hopi di esnan cu ta worde premia mayoria di nan ta toca o canta musicanan cu no ta di nos cultura. Awor pakico nan si y mariachi no? Segun Supriano cu mariachi ta hopi gusta tur caminda na Mundo.

Na Hulanda nan ta worde reconoci como musiconan internacional. Supriano no ta laga e cos nan aki molestie pasobra aki na Aruba nan ta practicamente tur siman y tambe den siman ocupa, y ta gradici tur nan fanaticonan cu semper a sabi di duna nan e apoyo cu nan mester. Supriano ta hopi feliz cu su jiu nan y su jiunan ta hopi orgulloso cu nan tata. Hopi "happy" mes e famia musical aki ta, TUR DIA NAN TA DEN AMBIENTE!

CENTRO COMERCIAL NOORD

Caminda cumpra ta un placer
Caminda lugar pa parkeer no ta un problema

Pakiko cumpra un otro caminda si C.C.N. ta wardabo



Lake lo bay reforsa e doble sabornan den coro. Tambe ta studiando e posibilidadadnan pa Alex Steven compananan den e gira aki.

Segun Papito cu nan ta bay hopi bon prepara y nan lo bay haci nan maximo esfuerzo pa haci un bon papel, pa asina tambe habri caminda pa e otro bandanan di Aruba. DEN AMBIENTE ta desea PAPITO y SU DOBLE SABOR tur clase di exito den nan gira pendiente y cu nan lo sabi di representa Aruba dignamente manera semper. Figurabo abo cu bo "TIA" den un Ambiente formal cu e dos DOBLE SABORNAN, Goza so anto den tera frieu. Goza so lo bo keda goza bay COM-PAAY!!!

pa di dos biaha, y Diadom-ingo 10 di Mei dia di Mama Hulanda den nan ultimo presentacion den un fiesta na Utrecht den "VECHTSE-BANEN".

Aki si ta "VECHT" nan tin cu bay "VECHT" pa nan TIANAN, si no nan lo bay perde nan "BANENNAN". Segun DEN AMBIENTE por a compronde cu nan can- tante bella Sandra lo no por bay cu nan den e gira aki, pa motibonan cu Sandra ta hopi ocupa cu su recien L.P na Venezuela.

Na Sandra su lugar lo bay Olga Antonette. Tambe lo bay cu nan den e gira aki e popular trompetista Franklin Granadillo, mientras cu e fa- moso agente policial Erick

Nan prome presentacion lo ta dia 17 di April na Rotter- dam den Imperium, dia 18 y 19 nan lo ta na Den Haag den Houtstallen, dia 20 nan lo actua na Tilburg den Evene- mentenhal, dia 24 nan ta na Lelystad den Bubbels, dia 25 na Leiden den Stadsgehoor- zaal, dia 29 na Eindhoven den Tongelreep, dia 30 nan lo celebra aña di La Reina na Zwolle den Het Hattum, dia 1 di Mei nan ta bolbe pa Leiden caminda nan lo toca atrobe den Stadsgehoorzaal, dia 2 di Mei nan ta na Am- sterdam den Bijlmer Sport- complex, dia 8 di Mei nan lo ta na Rotterdam atrobe pero tocando den e luhoso Foun- tain Paradise, Diasabra dia 9 di Mei nan lo ta tocando na Tilburg den Evenementenhal

Papito y nan a palabrariba un posibel gira. Na su regreso na Hulanda e la haci un prueba di publica den su re- vista cu posiblemente Papito y su Doble Sabor lo ta na Hulanda pa un gira.

E reaccion di e Antil- lanonan tabata tremendo, y mesora e la viaha bin Aruba pa firma e contrato pa e gira aki cu Papito y su Doble Sabor. Actualmente spoman na radio-emisoranan y trevista cu e popular cantante y alavez director musical di e tremendo agrupacion aki, Papito Rafael tocante nan gira cu muy pronto nan lo bay realiza.

Papito a declara cu ta Frank Does un Surinameno cu ta doño di "DOES TRAVEL SERVICE & CA- DUSHI REIZEN", y tambe propietario di e revista "PLEASURE" cual ta un re- vista cu ta duna tur informa- cionnan tocante farandula na Hulanda a contratnan pa e gira aki. E ta e persona cu ta contrata tur e bandanan di Curacao manera ERA, Do- ble R etc.

Debi cu mayoria bes ora un banda di Curacao ta na Hu- landa, ta masha hopi Arubi- ano sa bishita e fiestan, y e la bin na e idea fantastico aki pa contrata un banda di Aruba y un di Curacao. Riba recomendacion di e ban- danan di Curacao e la bin Aruba pa scucha personal- mente Papito y su Doble Sabor toca.

Tabata durante un fiesta den "Blue Wave", sin cu e integrante di Papito tabata sa, e tabata presente pa asina scucha y mira cu su propio wowonan, si ta vale la pena contratnan pa e gira aki. E repertorianan di Pa- pito y su Doble Sabor a re- sulta impresionante pa su persona, y mesora el a acerca

PAPITO Y SU DOBLE SABOR MANO A MANO CU DOBLE R DEN UN GIRA DI UN LUNA NA HULANDA

BANDA NOBO!!!

MUY PRONTO ROBERT JEAND'OR Y SOLO BANDA SHOW



PROFESSIONAL TATTOOS

Semper bo tabata kier TATTOO, pero no tabata sa ken pa confia ?

- *Professional Design
- *Safe & Steril
- *Privacy

Traha bo appointment na TEL:36602

Riba grafico nos por aprecia Robert Jeand'or y Frans Solognier na Miami, hunto cu e salsero number 1 actualmente na Puerto Rico, Niño Segara.

Durante temporada di carnaval DEN AMBIENTE a yega di publica hunto cu un potret, caminda Robert Jeand'or cu algun integrantenan, pa keda pendiente di un banda nobo.

Hopi a tuma esaki na un chansa, pero awe DEN AMBIENTE exclusivamente ta anuncia cu muy pronto Robert Jeand'or lo ta riba plaza cu su propio agrupacion.

Despues di tabata tin hopi exito tanto den exterior como tambe aki na Aruba y Antillas, awor Robert ta bin cu su propio agrupacion, y lo ta actuando pronto pa fiestanan. porcierto cu e siman aki lo bay ta e ultimo actuacion di Robert hunto cu La Nueva Fuerza, pa despues e ranca sali cu su propio banda cu lo bay carga e nomber di "ROBERT JEAND'OR y SU SOLO BANDA SHOW".

Robert actualmente su hit "LA CERVEZA" ta bon pega na Miami, y muy pronto lo ta riba mercado cu su compact disk. Pa otro siman DEN AMBIENTE lo bin mas extenso cu foto's di tur e integrantenan di Robert y su banda Show, cu porcierto su manager lo ta e popularisimo, Frans "MR. SOLO" Solognier. "KEDA PENDIENTE" !!.

Pa cualquier ocasion
ABSOLUT VODKA
ta e bebida preferi

Agente exclusiva:
LICORES ARUBA



BLUE WAVE Nightclub

Yen di ambiente y gozo!!

Bin Scucha Repertorio nobo di **OREO**

